

Transkription von Stadtbucheintrag HLK 1449b

Ort, Datierung: Lübeck, 1449-03-16

Signatur: Stadtarchiv Hansestadt Lübeck, Niederstadtbuch 1449-03-16

Anno (et cetera) . m^o . ccccxlix^o oculj /

Ik hans krispin zegeboden crispins zeligen sone vor den / heren deme Rade to lubeke vnd(e) vor dem(e) boke bekenne / dat my de heren de Rad der Stad lubeke Jn erem(e) torne / vnd(e) vorwarnige hebben gehat vm(m)e bede willen myner / vrunde van zaken de se vm(m)e mynes besten willen to / my hadden to seggende Doch de heren de Rad to lubeke / vm(m)e der suluen myner vrunde bede willen my vthe / erem(e) torne wedder hebben vorlaten qwijt leddich vnd(e) / lossz dar ik ene vnd(e) mynen vrunden hochliken vnde / fruntliken vm(m)e dancke vnd(e) vorlate de here(n) den Rad / to lubeke vnd(e) myne vrunde van der wegen(e) van vorder / mani(n)ge vnd(e) to sage qwijt leddich vnd(e) lossz Nu(m)mer mer / dar vpp to zakende noch nymant anders van myner wegen(e) / myt gheistlikem(e) effte werltlikem(e) richte(n) vnd(e) rechte(n) dat / loue ik hans krispin myt mynen eruen den heren dem(e) / Rade der Stad lubeke vnd(e) mynen vrunden stede vnd(e) / vast truweliken to holdende to der gantzen tijd mynes / leuendes sunder argelist wente myne nascre(ue)n vrunde / vm(m)e myner bede willen vor my den heren dem(e) Rade to / lubeke hebben gelouet Jk desset so vorscre(ue)n is stede vnd(e) / vast aldus to holdende Vnde ik hans krispin vorwil/lekore my vor dem(e) Rade vnd(e) vor dem(e) boke dat ik / to der tijd mynes leuendes de . cl . mark lubesch liffliker / Renthe de my myn broder zegebode Crispin Jarlikes / ghifft nicht en schal noch en wil vorpanden vorsetten / vorkopen offte vorbringen Jn gheistliker noch Jn werlt/liker lude hende Jn Jenige wise it en besche myt vulbord / tolate vnd(e) willen myner nascre(ue)n vrunde de vor my / hebben gelouet Vordermer wij zegebode krispin / godeke kerkringk hans kerkringk Bernd dartzauwe / vnd(e) Bertram luneborch de eldere myt vnsen erue(n) loue(n) / myt sameder hant den heren dem(e) Rade der stad lub(eke) / dat hans Crispin erben(omed) alle vorscre(ue)n stücke den suluen / heren dem(e) Rade to lub(eke) stede vast vnd(e) vnuorbroken / dergeliken schal holden sunder argelist vnd(e) loue(n) myt / samender hand myt vnsen eruen de heren den Rad der / stad lub(eke) vnd(e) ere nakomelinge van der wegen(e) gentzlike(n) schadelossz to holdende [Juss(um) ass ?] /